

Oleh Elder L. Tom Perry

Dari Kuorum Dua Belas Rasul

Gereja melakukan sesuatu di seluruh dunia apabila sebuah bait suci baru dibina yang merupakan tradisi yang biasa di Amerika Syarikat dan Kanada---mengadakan rumah terbuka. Selama minggu-minggu sebelum kebaktian bait suci baru, kami membuka pintu-pintu dan menjemput para pemimpin kerajaan dan keagamaan tempatan, para ahli Gereja tempatan, dan orang yang beragama lain untuk melawat bait suci yang baru dibina itu.

Ini merupakan peristiwa-peristiwa yang sungguh baik yang membantu orang yang tidak biasa dengan Gereja kita untuk belajar sedikit lebih mengenainya. Hampir semua orang yang melawat bait suci baru berasa kagum dengan keindahannya, baik di luar mahupun di dalam. Mereka dikagumi oleh ketukangan dan perhatian perincian setiap butir bait suci. Juga, ramai pelawat kita merasai sesuatu yang unik dan istimewa ketika mereka dibawa melalui bait suci yang belum dibaktikan. Ini adalah respons-respons biasa para pelawat di rumah terbuka kita, tapi respons-respons ini bukan respons yang paling biasa. Apa yang mengagumi para pelawat lebih daripada apapun adalah ahli-ahli Gereja yang mereka jumpa di rumah-rumah terbuka kita. Bila para pelawat keluar, mereka sangat dikagumi oleh hos-hos mereka, iaitu para Orang Suci Zaman Akhir.

Gereja sekarang menerima lebih banyak perhatian di seluruh dunia daripada yang pernah diterima. Para anggota pihak media menulis atau bercakap tentang Gereja setiap hari, melaporkan aktiviti-aktivitinya yang banyak. Banyak agensi berita yang terkenal di Amerika Syarikat selalu membincangkan Gereja atau ahli-ahlinya. Perbincangan ini sedang berlaku di seluruh dunia juga.

Gereja juga menarik perhatian di Internet, yang, seperti kamu tahu, telah mengubah dengan dramatik cara orang mengongsi maklumat. Pada setiap masa setiap hari di seluruh dunia, Gereja serta ajarannya dibincangkan di Internet, di blog-blog dan di rangkaian sosial oleh orang yang belum pernah menulis untuk surat khabar atau majalah. Mereka membuat video dan mengongsikannya online. Ini merupakan orang biasa---baik ahli kepercayaan kita mahupun ahli kepercayaan lain---yang membincangkan Gereja Yesus Kristus Orang Suci Zaman Akhir.

Perubahan dalam cara kita berkomunikasi tolong menjelaskan kenapa kita “Mormons” adalah lebih ketara daripada sebelumnya. Tapi Gereja juga berkembang dan maju. Semakin banyak orang mempunyai ahli Gereja sebagai jiran-jiran dan kawan-kawan, dan

ada ahli-ahli Gereja yang terkenal dalam kerajaan, dalam perniagaan, dalam penghiburan, dalam pendidikan, dan di mana-mana saja---nampaknya. Bahkan mereka yang bukan ahli Gereja telah melihat ini, dan mereka ingin tahu apa yang sedang berlaku. Ini sungguh hebat bahawa begitu banyak orang sekarang sedar akan Gereja dan para Orang Suci Zaman Akhir.

Semasa Gereja menjadi semakin ketara, masih ada ramai orang yang tidak memahaminya. Ada orang yang telah diajar supaya mencurigakan Gereja dan percaya stereotaip negatif mengenai Gereja tanpa menyoalkan sumbernya dan kesahihannya. Ada juga banyak maklumat palsu dan kekeliruan tentang Gereja dan posisinya. Ini telah berlaku sejak masa Joseph Smith.

Joseph Smith menulis sejarahnya “untuk mengembalikan pendapat umum serta mengemukakan segala kebenaran yang menyangkut kenyataan.” Adalah benar bahawa selalu akan ada orang yang mengubah kebenaran dan sengaja menyalahgambarkan ajaran-ajaran Gereja. Tapi kebanyakan orang dengan soalan mengenai Gereja hanya ingin faham. Orang yang berfikiran terbuka ini ingin tahu dengan ikhlas mengenai kita.

Keketaraan dan reputasi Gereja yang semakin besar memberikan peluang yang menakjubkan kepada kita sebagai ahli-ahlinya. Kita boleh membantu “mengembalikan pendapat umum,” dan membetulkan maklumat palsu apabila kita digambarkan sebagai sesuatu yang bukan-bukan. Tapi yang lebih penting, kita boleh mengongsikan siapa kita.

Ada banyak hal yang dapat kita lakukan---yang kamu dapat lakukan---untuk mempertingkatkan kefahaman tentang Gereja. Jika kita dapat melakukan ini dengan sikap yang sama dan berkelakuan dengan sama yang ada bila kita mengadakan rumah terbuka bait suci, kawan dan jiran kita akan memahami kita dengan lebih baik. Kecurigaan mereka akan lenyap, stereotaip negatif akan hilang, dan mereka akan mulai memahami Gereja yang sebenarnya.

Biar saya mencadangkan beberapa idea mengenai apa yang setiap kita dapat lakukan.

Yang pertama, kita mesti berani dalam perisytiharan kita mengenai Yesus Kristus. Kita ingin supaya orang lain mengetahui bahawa kita percaya bahawa Dia adalah orang yang terpenting dalam semua sejarah manusia. KehidupanNya dan ajaranNya merupakan teras Alkitab dan buku-buku yang lain yang kita anggap tulisan suci. Perjanjian Lama mempersiapkan kita untuk pelayanan Kristus yang fana. Perjanjian Baru menggambarkan pelayananNya yang fana. Kitab Mormon memberikan kita kesaksian kedua pelayananNya yang fana. Dia datang ke bumi untuk mengisytiharkan injilNya sebagai asas untuk semua manusia supaya semua anak-anak Tuhan dapat belajar dan mengikuti ajaranNya. Lalu Dia memberikan nyawaNya untuk menjadi Juruselamat dan

Penebus kita. Hanya melalui Yesus Kristus penyelamatan adalah mungkin. Ini adalah mengapa kita percaya Dia adalah orang yang terpenting dalam semua sejarah manusia. Takdir kita yang abadi ada dalam tanganNya. Adalah sungguh cemerlang mempercayaiNya dan menerimaNya sebagai Juruselamat kita, Tuhan kita, dan Tuan kita.

Kita juga percaya bahawa hanya melalui Kristus terdapatlah kepuasan, harapan, dan kebahagiaan yang paling hebat---baik dalam kehidupan ini mahupun dalam keabadian. Ajaran kita, sebagaimana diajar dalam Kitab Mormon, menyatakan dengan tegas: “Oleh kerana itu, kamu harus maju terus dengan suatu ketabahan dalam Kristus, dengan harapan yang gilang gemilang dan kasih kepada Tuhan dan segenap manusia. Oleh kerana itu, jika kamu maju terus, mengenyangkan diri dengan firman Kristus dan bertahan sampai akhir, lihatlah, demikian firman Bapa: Kamu akan memperoleh hidup yang abadi.”

Kita mengisytiharkan kepercayaan kita dalam Yesus Kristus dan menerimaNya sebagai Juruselamat kita. Dia akan memberkati kita dan membimbing kita dalam semua usaha kita. Semasa kita hidup di sini dalam kefanaan, Dia akan memperkukuh kita dan membawakan kita ketenangan dalam masa cabaran. Para ahli Gereja Yesus Kristus Orang Suci Zaman Akhir menjalani kehidupan mereka dengan beriman dalam Dia yang mempunyai Gereja.

Yang kedua, jadilah teladan yang soleh bagi orang lain. Selepas perisytiharan kepercayaan kita, kita mesti mengikuti arahan yang diberikan kepada kita dalam 1 Timotius 4:12: “Jadilah teladan bagi orang-orang percaya, dalam perkataanmu, dalam perbuatanmu, dalam kasihmu, dalam kesetiaanmu dan dalam kesucianmu.”

Juruselamat mengajar tentang kepentingan menjadi teladan kepercayaan kita dengan mengatakan, “Hendaknya terangmu bercahaya di depan orang, supaya mereka melihat perbuatanmu yang baik dan memuliakan Bapamu yang di syurga.”

Kehidupan kita patut menjadi teladan kebaikan dan hemah, ketika kita cuba mengikuti teladanNya kepada dunia. Perbuatan baik oleh setiap kita dapat mempertingkatkan reputasi Juruselamat dan GerejaNya. Ketika kamu terlibat dalam perbuatan baik, menjadi lelaki dan perempuan yang terhormat dan soleh, Terang Kristus akan terbayang dalam kehidupan kamu.

Yang seterusnya, memperkatakan Gereja. Semasa kehidupan harian kita, kita diberkati dengan begitu banyak peluang untuk mengongsikan apa yang kita percaya dengan orang lain. Apabila rakan kita yang peribadi dan profesional bertanya tentang kepercayaan keagamaan kita, mereka menjemput kita untuk mengongsikan siapa kita dan apa yang

kita percaya. Mereka mungkin atau mungkin tidak berminat dalam Gereja, tapi mereka berminat mengenal kita lebih mendalam.

Syor saya kepada kamu adalah untuk menerima jemputan mereka. Rakan-rakan kamu tidak menjemput kamu untuk mengajar, menguraikan, dan menasihati. Mengadakan perbualan berhala dua dengan mereka---kongsikan sesuatu tentang kepercayaan keagamaan kamu tapi juga bertanya mereka tentang kepercayaan mereka. Mengukur berapa minat mereka dari soalan-soalan yang mereka tanya. Kalau mereka tanya banyak soalan, memfokuskan perbualan pada menjawab soalan-soalan mereka. Selalu ingat bahawa adalah lebih baik untuk mereka bertanya daripada kamu beritahu.

Beberapa ahli nampaknya ingin merahsiakan keahlian mereka dalam Gereja. Mereka mempunyai sebab-sebab sendiri. Contohnya, mungkin mereka percaya bahawa mengongsikan kepercayaan mereka bukanlah tanggungjawab mereka. Mungkin mereka takut bahawa mereka akan membuat kesilapan atau ditanya soalan yang mereka tidak dapat jawab. Kalau fikiran yang demikian datang kepada kamu, saya ada nasihat untuk kamu. Ingatlah kata-kata Yohanes: “Di dalam kasih tidak ada ketakutan; kasih yang sempurna melenyapkan ketakutan.” Kalau kita mengasihi Tuhan dan orang lain, kita dijanji yang kita akan mengatasi ketakutan kita.

Jika kamu telah melawat www.mormon.org kebelakangan ini, yang merupakan laman web Gereja untuk orang yang berminat belajar lebih tentang Gereja, kamu telah melihat para ahli yang telah kongsikan maklumat tentang diri mereka. Mereka telah membuat profil Internet yang menjelaskan siapa mereka dan kenapa kepercayaan keagamaan mereka penting bagi mereka. Mereka sedang memperkatakan iman mereka.

Bagaimana kita bercakap tentang Gereja adalah sepenting apa yang kita cakap. Kita patut memperlakukan perbualan yang demikian dengan kasih seperti Kristus. Nada kita, sama ada dengan bercakap atau menulis, patut penuh hormat dan kesopanan, tidak kira apa balasan orang lain. Kita patut jujur dan berfikiran terbuka dan cuba bercakap dengan jelas. Kita tidak mahu bersikap mempertahankan diri atau bertengkar.

Rasul Petrus mengatakan, “Tetapi hendaklah kamu menjadi kudus di dalam seluruh hidupmu sama seperti Dia yang kudus, yang telah memanggil kamu.”

“Cara berbual” kini nampaknya melibatkan Internet semakin lebih. Kami menggalakkan orang, baik muda mahupun tua, untuk menggunakan Internet dan media sosial untuk mengongsikan kepercayaan keagamaan mereka.

Ketika kamu menggunakan Internet kamu mungkin akan melihat perbualan-perbualan mengenai Gereja. Apabila diarahkan oleh Roh, janganlah teragak-agak menambahkan suara kamu kepada perbualan-perbualan ini.

Mesej injil Yesus Kristus berbeza daripada apapun yang pernah kamu kongsi dengan orang lain. Dalam zaman maklumat, injil adalah maklumat yang paling berharga di dunia. Nilainya memang pasti. Ia merupakan mutiara yang sangat berharga.

Apabila bercakap tentang Gereja, kita tidak cuba mencantikkannya. Kita tidak perlu memutar mesej kita. Kita perlu menyampaikan mesej ini dengan jujur dan terus terang. Jika kita membuka saluran-saluran komunikasi, mesej injil Yesus Kristus yang dipulihkan akan membuktikan dirinya kepada mereka yang sedia menerimanya.

Kadang-kadang ada perbezaan besar---sebuah jurang dalam kefahaman---di antara cara kita alami Gereja sebagai para ahli dan cara orang yang bukan ahli melihatnya. Inilah sebab utama kita mengadakan rumah terbuka di bait suci sebelum setiap bait suci dibaktikan. Para sukarelawan ahli Gereja di rumah terbuka bait suci cuba membantu orang lain melihat Gereja seperti sebagaimana mereka melihatnya sebagai ahli. Mereka mengenali bahawa Gereja adalah suatu pekerjaan yang menakjubkan, bahkan suatu kehairanan, dan mereka ingin supaya orang lain mengetahuinya juga. Saya meminta setiap kamu untuk melakukan yang sama.

Saya berjanji bahawa jika kamu akan membalas jemputan-jemputan mengongsikan kepercayaan dan perasaan kamu mengenai injil Yesus Kristus yang dipulihkan, roh kasih dan roh keberanian akan menjadi teman kamu yang tetap, kerana “kasih yang sempurna melenyapkan ketakutan.”

Ini adalah masa pertambahan peluang untuk mengongsikan injil Yesus Kristus dengan orang lain. Semoga kita mempersiapkan diri untuk mengambil kesempatan peluang-peluang yang diberi kepada setiap kita untuk mengongsikan kepercayaan kita, saya berdoa dengan rendah hati dalam nama Yesus Kristus, amin.